

初學記

第二冊

(唐)徐堅等著

# 初學記

第二冊

中華書局

# 初學記卷第十一

## 職官部上

太師太傅太保一 太尉司徒司空二 尚書令三 僕射四 諸曹尚書五 吏部尚書六 左右丞七  
侍郎八 郎中員外郎附 中書令九 中書侍郎十 中書舍人十一

### 太師太傅太保第一

〔敘事〕 漢官儀云太師太傅太保皆古官也殷太甲時伊尹爲太保紂時胥餘爲太師武王克殷作周官立太師太傅太保爲三公應劭云太師天子所師法也太傅謂傳相天子於德義太保謂保安天子於德義舊說以司徒司空爲三公周以司馬司徒司空司寇冢宰宗伯爲六卿遂以師傅保爲三公書云維茲三公論道經邦是也太師在太傅上太保次太傅無官屬與王同職無不總統禮記云三公無官言有其人然後充之無其人則闕周武王時齊太公爲太師成王時周公爲太傅召公爲太保秦漢之際並無其官至高后唯置太傅王陵爲太傅漢末以大司馬大司徒大司空爲三公立師傅保之官位在三公上崇號爲上公平帝時以孔光爲太傅遷太師王莽爲太保馬宮爲太師東漢已後皆以太尉司徒司空爲三公太尉與大司馬恒不兩置歷代或以太尉或以大司馬爲三公師傅保常曰上公後魏書官氏志云後魏尊師傅保爲三師五代史百官志云北齊因後魏亦曰三師

後周依周禮。又以師傳保爲三公。隋初又爲三師。煬帝廢之。自漢魏已來。皆開府置寮屬。至隋省寮屬。

【事對】 三足

六符環濟要略曰。三公者。象鼎三足。共承其上也。漢書云。六符。孟康注曰。秦階三台也。始三星。凡六星也。六符。

星之符驗也。應劭云。黃帝六符經曰。泰階。天之三階。黃閣。

緣綴。沈約宋書云。三公黃閣前史无其義。臣按禮記云。士譚與天子同。

公侯大夫卽異。鄭玄注云。三公之與天子。禮數相亞。故黃其閣以示謙。不敢斥天子。疑是漢末制也。晉官品令曰。三公緣綴綬也。綴。晉尺。

槐位

台階。周禮曰。三槐三公位焉。台階見上。法三光。

象五岳。韓非曰。背私曰公。三公象鼎足也。數三者。法三光。春秋漢舍。

攄曰。舉三公象五岳。理陰陽。

節風雨

傳子曰。三公者。佐天子理陰陽。劉向說苑曰。三公正天下。調陰陽。節風雨。已上三公。三師。

事。經邦事

秉國均。尙書曰。立太師。太傅。太保。孔安國注云。師。天子所法也。佐王論道。以經緯國事。有德乃堪之。詩曰。尹氏太師。

維周之氏。秉國之均。四方是維。天子是毗。俾民不迷。鄭箋云。毗。輔也。言尹氏居太師之官。持國政之平。維制四方。

毗天子

備國

師。詩云。天子是毗。已見秉國均注中。續漢書曰。趙典篤學博聞。宜備國師。國師卽太師也。燮陰陽。經禮樂。尙書曰。立太師。太傅。

太保。惟茲三公。論道經邦。燮理陰陽。孔安國傳曰。師。天子所師法。惟三公之任。佐王論道。經緯國事。和理陰陽。大戴禮曰。天子不論於先。

聖王之德。不知軍國畜民之道。不見禮樂之正。不察應事之理。不博古今之典傳。不閑於威儀之數。禮樂無經。學業不法。凡是其屬。太師。

訓之。訓帝躬

持國政。應劭漢官儀曰。平帝元始元年。孔光以太師見授。太后曰。太師先聖人之後。道術通明。宜居四輔職。訓導。

帝躬。持國政。事見秉國均注。得於礪溪。

賜以靈壽。史記曰。周文王得呂尙於礪溪。以爲師。謂之太公。武王嗣位。號曰師尙父。成。

王卽政。尊爲太師。詩云。惟師尙父。時惟鷹揚。應劭漢官儀曰。孝平皇帝元始元年。太后詔曰。太師光今年老有疾。俊又大臣。惟國之重。書。

曰。無遺老成。國之將興。尊師重傳。其令太師無朝。十日一賜餐。賜以靈壽杖。黃門令爲太師於省中施坐置几。太師入省杖焉。已上太師。

事。元老 中庸東觀漢記曰。詔云。行太尉事趙喜。三葉在位。爲國元老。其以喜爲太傅。時年八十。而心力克壯。繼母在。朝夕瞻省。傍

無几杖。言不稱老。達練事體。明解朝章。雖無奢直之風。屢有補闕之益。故京師諺曰。萬事不理問伯始。天下中庸有胡公。相天子

錄尙書尙書曰。立太師。太傅。太保。惟茲三公。論道經邦。孔安國注云。傳相天子。續漢書云。太傅一人。當以善道。無常職。世祖以卓茂

爲之。其後每帝卽位。輒置太傅一人。錄尙書事。魏輒省之。二讓高 萬事理 應劭漢官云。和帝冊曰。故太尉鄧彪。元功之族。三讓

彌高。今以彪爲太傅。錄尙書事。百官總已以聽。萬事理見上。明朝章 戒戎事 明朝章見中庸注。大戴禮曰。天子不惠於庶人。不

信於諸侯。不戒於戎事。凡是之屬。太傅之任。二葉在位 百官總已三葉見趙喜注中。又百官總已見三讓注。已上太傅事。上

公 元老 上公已見敘事。王隱晉書曰。王祥字休徵。拜太保。制曰。耆艾元老。高行清粹。朕所毗倚。以崇道宏化。安天子 諫王

惡 尙書云。太師。太傅。太保。惟茲三公。論道經邦。注云。太保。保安天子於德義。周禮。保氏掌諫王惡。注云。諫者。以禮義正之也。任伊尹

職召公 齊職儀云。殷太甲時。伊尹爲太保。周成王時。召公爲太保。明允篤誠 高行清粹 晉起居注云。太保衛瓘。明允篤

誠。有匪躬之志。其給千兵騎百人。高行清粹見元老注。已上太保事。〔表〕 陳沈炯爲太傅讓表奏六代之樂。不能祈天。具百

神之歌。無以動聖。延首帝閭。轉增危懼。百川沸騰。王室如燬。釋位同謀。諸侯總至。盟書會府。餘臣一人。若使幅巾衡巷。口絕平吳。朝遊赤

松。暮過濟北。出就侯服。入櫛龍章。則四郊有壘。誰守社稷。如其雄戟在前。強弩自衛。負孺子之圖。飾緣鵠之鼎。軍威重於護將。國禮貴於

塞門。臣道尙卑。孰云非逼。臣所以出謝公卿。入訓妻子。拜長陵之園。謁太祖之廟。不以九族違恩義。不以百姓負國家。所期陛下與北極

同尊。朝廷與南山等固。〔碑〕 周王褒太保吳武公尉遲綱碑 昔者王室蕃屏。同族謂之宗親。列國諸侯。異姓稱爲伯舅。元

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

勳懿德。周崇齊魯之封。疏爵囂庸。漢重韓吳之秩。司勳載其洪烈。典冊備其徽章。山甫式列辟之功。紀績庸器。莊叔匡成獻之難。昭德彝

鼎鴻名盛業。公實兼焉。公命代挺生。膺期間出。當華峻極。降惟岳之上靈。霜露所均。體中和之秀氣。寒松擢本。且觀後凋之質。真桂挺生。便結冬華之秀。固以辰昂膺慶。風雲交感者焉。公柔順內凝。英華外發。斧藻仁義。珪璋令範。危勦之節。貫四序而踰秀。堅貞之操。經百鍊而無銷。加以逢蒙射法。遠中戟枝。養由箭道。遙穿懸葉。巧極將軍之伎。精窮校尉之官。及年踰艾服。任崇台衮。甲第當衢。傳呼啓路。不以寵貴驕人。每以卑謙自牧。易寶之言。無忘癢癢。城郭之志。終於瞑目。銘曰。珠角膺期。山庭表德。出忠入孝。自家刑國。人物冠冕。彝章表則。任屬屯警。官聯樞侍。行部六條。議班三吏。逝水詎停。光陰不惜。遽辭逆旅。俄悲恒化。旌舒夏練。棺陳衛幕。北郭人稀。西山景落。三千不見。九原誰作。銘茲鼎彝。永傳嵩靈。

## 太尉司徒司空第二

〔敘事〕 齊職儀云。皆古官也。應劭云。自上安下曰尉。魚豢曰。太尉掌武事。古者兵獄官皆以尉爲稱。尉。尉也。言兵獄羅尉也。言兵獄羅尉。對非。又應劭云。徒。衆也。司徒。主人衆也。司空。穴也。司徒。主土。古者穴居。主穿土爲穴以居人也。堯時舜爲太尉。舜時契爲司徒。禹爲司空。古亦爲三公之職。其後常以太尉與大司馬迭置。不兩立。有大司馬則不置太尉。歷代皆然。周以太師。太傅。太保爲三公。以大司馬。大司徒。大司空與大司寇。大冢宰。太宗伯爲六卿。至西漢末。師。保之官。崇其號爲上公。以大司馬。大司徒。大司空爲三公。後漢初省大司馬。立太尉。與司徒。司空爲三公。皆除大字。歷魏晉宋齊之後常然。至後周。又依周禮。以師。保爲三公。五代史志云。隋又以太尉司徒司馬爲三公。歷代皆開府置官屬。唐廢府寮。〔事對〕 上司 亞獻東觀漢記曰。楊震字伯起。爲太尉。性忠誠。每諫爭。中常侍樊豐等譖之。收印綬歸本郡。震到洛陽都亭。謂門生曰。吾蒙恩居上司。奸臣狡猾而不能誅。寵嬖傾亂而不能禁。何面目

以見日月遂飲鳩而死。續漢書曰：太尉郊廟掌亞獻。太喪告諡南郊。統兵。掌武。續漢書云：太尉一人掌四方兵事課功勳歲盡則

殿最而行賞罰焉。又漢書曰：太尉。秦官也。掌武事。匪石。斷金。應劭漢官曰：冲帝冊書太尉趙峻。二世掌樞衡有匪石不貳之心。又

曰三公國之楨榦朝廷取正以成斷金。大司農李固公族之苗忠正不撓其以固爲太尉。兩鹿。三鱣。謝承後漢書曰：鄭弘爲臨淮

太守行春有兩白鹿隨車夾轂而行弘怪問主簿黃國鹿爲吉凶賀曰：聞三公車轡畫作鹿明府當爲宰相弘後果爲太尉。范曄後漢書

曰：楊震字伯起嘗客於湖外不答郡那禮命數十年衆人謂之晚暮而震勵志愈篤後有鸛雀銜三鱣魚飛集講堂前都講取魚進曰：凡

鱣者卿大夫之服象也數三者法三台也。先生自此昇矣。後位至太尉。畫鹿轡。飛鵠印。畫鹿轡見上博物志云：常山張顙爲梁

相天新雨後有鳥如鵠飛翔稍下墮地人取化爲一圓石顙椎破之得金印文曰忠孝侯印顙表上聞藏之祕府顙漢靈帝時至太尉

保皇家。安劉氏。摯虞隴西王泰爲太尉冊曰：惟君行爲時表親則宗臣論道經邦保父皇家是用進登上台漢書云：上曰周勃

重厚少文然安劉氏者必勃也可爲太尉。主九伐。齊七政。謝靈運晉書曰：秦有太尉掌兵漢仍修之或置或省是故司馬之官

主九伐之職汝南先賢傳曰：陳蕃拜太尉讓曰：齊七政訓五兵臣不如議郎王暢。歎黃憲。舉蔡謨。謝承後漢書曰：陳蕃拜太尉

臨朝歎曰：黃憲若在不敢先佩印綬晉書：郝鑒字道徽進祿太尉疾篤舉蔡謨自代。置屏風。賜錦被。謝承後漢書曰：鄭弘字巨

君爲太尉主將第五倫爲司空班位在下每正朔朝見弘曲躬自卑帝知遂置雲母屏風分隔之由此以爲故事。又朱寵字仲威爲太尉

食脫粟飯臥布被朝廷賜錦被粟肉皆不敢當已上太尉事。邦教。地征周禮大司徒之職乃立地官司徒使帥其屬而掌邦教以

佐王安擾邦國鄭玄注云：所以親百姓訓五品也。擾亦安也。又曰：以土均之法辨五物九等制天下之地征鄭玄注曰：均平也五物五土

所生之物也九等駢剛赤緹墳壤渴澤醜瀉勃壤埴埴強梁輕異之屬征稅也。五禮。六樂周禮大司徒之職以五禮防萬民之僞



而教之中。鄭玄注。禮所以節止人之修偽。使其得中。又曰。以六樂防萬民之情而教之和。注曰。樂以蕩正人之情思。使其心和。度地

辯土。周禮。大司徒之職。凡建邦國。以土圭土其地而制其域。注曰。土其地。猶言度其地。又曰。以土宜之法。辯十有二土之名物。注曰。十

有二土。分野十有二邦也。土繫十二次。各有所宜。七政 五教。常璩華陽國志曰。自建武之後。群儒修業。開案圖緯。漢之宰相。當出

坤鄉。於是司徒李公。屢登七政。太傅于堅。奕代論道。尚書帝曰。契百姓不親。五品不遜。汝作司徒。敬敷五教。在寬。注曰。五常之教。務在寬

也。夢松 取穗。張勃吳錄曰。丁固爲司徒。初爲尚書。夢松樹生其腹上。謂人曰。松字十八公也。後十八年。吾當爲公乎。遂如夢焉。范

曄後漢書曰。蔡茂字子禮。建武二十年。代戴涉爲司徒。在職清儉。匪懈。茂初在廣漢。夢在大殿之極。上有三穗禾。茂跳取之。得其中穗。輒

復失之。主簿郭賀離席慶曰。大殿者。官府之形象也。極而有禾。人臣之上祿也。取其中穗。中台之位。於字禾失爲秩。雖曰失之。乃以得祿

秩也。袞職有闕。君其補之。旬月而茂徵焉。辟賀爲掾。銅臭 象壽。司馬彪九州春秋曰。靈帝賣官。廷尉崔烈入錢五百萬。以買司徒。

烈子均字孔平。亦有時名。烈問曰。吾作公。天下人謂何如。對曰。大人少有高名。不謂不當爲公。今登其位。海內嫌其銅臭。烈舉杖擊之。均

走。烈曰。子授父撻而走。可謂孝乎。均曰。舜之事父。小杖則受。大杖則走。不陷父於不義。烈曰。爾以吾爲瞽瞍耶。又王隱晉書曰。王戎代王

渾爲司徒。常以象牙籌晝夜計家財。遠及田牧。性又至儉。不能善自奉養。飲食通財不出外。天下謂之膏肓疾。明七教 修六禮

禮記曰。司徒明七教。以興民德。又曰。司徒修六禮。以節民性。數五典。齊八政。尚書曰。司徒掌邦教。敷五典。擾兆民。注云。數布也。主

國教化。布五常之教。以安和天下之衆民也。禮記曰。司徒齊八政。以防淫。已上司徒事。別五土 決九州 家語。孔子爲司空。乃

別五土之性。而物其所生之宜。魚豢典略曰。禹爲司空。披九山。通九澤。次九州。使各以其職來貢。地方五千里。至于荒服。作地圖

掌邦事。王隱晉書曰。裴秀字季彥。爲司空。作禹貢地域圖。事成奏上。藏於祔府。爲時名公。禮記曰。司空執度地。鄭玄曰。司空冬官卿。



掌邦事也。通九澤。居四民。通九澤見九州注。尙書曰。司空掌邦土。居四民。時地利。注曰。冬官卿主國空土。以居士農工商四民。

使順天時分地利也。造宮室。平水土。鄭玄注考工記。司空掌營城郭。建邦邑。立社稷宗廟。造宮室車服器械。監百工。唐虞以上。

曰共工。尙書曰。四岳。兪曰。伯禹作司空。帝曰。兪。咨禹。汝平水土。惟時懋哉。注。懋。勉也。李通識。王梁符。華嶠後漢書曰。李通字文。

元。以識記說光武。爲大司空。又曰。王梁字君嚴。拜大司空。赤伏符曰。王梁主衛作玄武。上以野王本衛地。徙玄武水神。司空水土之官。於是擢拜梁也。赤伏符。素絲節。華嶠後漢書曰。王梁爲野王令。赤伏符曰。王梁主衛作玄武。玄武水神。司空水土之官。於是擢拜梁。

拜大司空。晉起居注曰。武帝詔鄭袤曰。體行純正。履道沖粹。退有清和之風。進有素絲之節。宜齊三階之曜。補袞職之闕。其以袤爲司空。

諮政化。勸德風。荀彧家傳曰。頤爲司空。文帝平蜀。議復五等。表魏朝。使公定禮儀。中護軍賈充正法律。尙書僕射裴秀議官制。

公遂刪定舊文。行正式。爲一代之典。書成奏上。藏於祕府。其服色旗幟法駕之式。禮樂犧牲柴燎之典。祫禘遷毀配食之制。及於明堂辟。

雍之儀。皆公所議定。朝廷歸其美。公旣爲台輔。德望清重。加以留心禮教。以年耆多疾。不數朝見。詔使侍中任愷諮問政化所宜行否。又。

華嶠後漢書。第五倫雖峭直。然常以中興已來。二主好更化。俗尙苛刻。政化之本。宜先以寬和。及爲三公。值章帝長者多怨。屢有善政。倫。

上疏褒稱盛美。因以勸成德風也。數月超。百日至。漢書曰。朱博字子元。以京兆尹數月超爲大司空。范曄後漢書曰。荀爽固辭。

徵聘。不得已乃行。起家百日至司空。已上司空事。〔讚〕晉孫綽賀司空循像讚。思文公侯。誕保休祥。素質玉潔。華藻金章。總。

角輶德。被褐韜光。自昔喪亂。鉦鼓日震。禮樂藏器。詩書蒙塵。哲人遽慨。垂模澄神。仰觀洙泗。揚波絕津。方曜金鉉。協贊衡機。昊天不弔。曾。

不憖遺。搢紳頽範。皇德莫毗。公之云殂。華裔同悲。〔箴〕後漢崔駰太尉箴。天官冢宰。庶寮之率。師錫有帝。命虞作尉。爰叶台。

極。爰平國域。制軍詰禁。王族惟式。九州用綏。群公咸治。干戈載戢。宿驅其紀。上之云戴。下之云戴。苟非其人。孰我帝載。昔周人思文公。而。

初學記 卷第十一 太尉司徒司空第二

召南詠甘棠。昆吾崇夏。伊摯嘉商。季葉頗僻。禮用不匡。無曰我強。莫余敢喪。無曰我大。輕戰好殺。紂師百萬。卒以不艾。宰臣司馬。敢告在際。又司徒箴。天鑒在下。仁德是興。乃立司徒。亂茲黎蒸。茫茫庶域。率土祁祁。民具爾瞻。四方是維。乾乾夕惕。靡怠靡遠。敬敷五教。九德咸事。商人用章。黔蚩是富。無曰爾悖。忘于爾輔。無曰余聖。以忽執政。匪用其良。乃荒厥命。庶績不怡。疚于爾祿。豐有折肱。而鼎覆其餗。書歌股肱。詩刺南山。尹氏不堪。國度斯憊。徒臣司農。敢告執藩。又司空箴。善彼坤靈。侔天作則。分制五服。畫爲萬國。乃立地官。空惟是職。茫茫九州。都鄙盈區。網以群牧。綴以方侯。列列雋乂。翼翼王臣。臣當其官。官宜其人。九一之政。七賦以均。昔在季葉。班祿遺賢。培克充朝。而象恭滔天。匪人斯力。匪政斯敷。流貨市寵。而苞苴是饗。王路斯蕪。孰不傾覆。空臣司土。敢告在側。〔章〕 宋謝莊北中郎謝兼司徒章。臣聞變理陰陽。寅亮天地。不惟其官。無人則闕。司徒掌敷五典。職擾兆人。豈悟乾靈罔厪。光渥方闡。不次之任。殊絕藩岳。豈可權尸三事。假備六符。慙震周迴。顧步交悸。〔碑〕 後漢蔡邕楊太尉碑銘曰。天監有漢。誕生元輔。代作三事。勳在王府。乃及尹公。克光前矩。悉心畢力。脩其祖武。化洽羣生。澤浹區宇。〔墓誌〕 沈約齊太尉文憲王公墓誌銘曰。德備九官。功包十亂。帝圖必舉。王猷倍煥。斯謂國禎。是惟民幹。翺翔禮園。優游文館。祕義烟涵。瓊辭雨散。揆路揚輝。台庭改觀。方朔升平。變茲天綱。輻履每愆。降年多爽。微言永謝。庶寮誰仰。

### 尙書令第三

〔敘事〕 尙書秦置也。尙書曰。龍命汝作納言。詩云。仲山甫出納王命。王之喉舌。並尙書之任也。周官有司會。鄭玄注。若今尙書耳。天文志。斗魁六星曰文昌宮。荀綽云。尙書是謂文昌天府也。蕭望之云。尙書百官之本。後漢李固上書云。國家有尙書。猶天有北斗。主爲喉舌。斟酌元氣。漢官云。初秦代少府。遣吏四人在殿中。主發書。故號尙書。尙猶主也。漢因秦置之。漢猶轉

少府魏晉已後政歸臺閣則不復隸矣。

故尙書爲中臺。謁者爲外臺。御史爲憲臺。謂之三臺。齊職儀云。魏晉宋

齊並曰尙書臺。五代史志云。梁陳後魏北齊隋則曰尙書省。唐龍朔二年。更名中臺。咸亨初復爲尙書

省。光宅初。更名文昌臺。長安初。又爲中臺。神龍初。並復舊爲尙書省。案尙書令秦官。漢因之。漢官云。漢

初並用士人爲尙書令。秩二千石。至漢武帝。別置謁者令。用宦者。遂省尙書官。成帝罷中書官。更以士人爲尙書令。而至爲

臺主。主贊奏典綱紀。又東漢與司隸校尉御史中丞皆專席坐。京師號曰三獨坐也。晉公卿禮秩云。尙書令

拜則冊命。薨則於朝堂發哀。五代史百官志云。尙書令至梁加秩中二千石。漢官云。尙書令秩千石。公爲之。增

至二千石。秦漢秩有中二千石。眞二千石。凡四等。比二千石。月得粟百石。二千石。月得粟百二十石。眞二千石。月得粟百五十石。其下三

等雖號二千石。其數實不至也。唯中二千石。月得粟百八十石。率一歲得二千一百六十石。中猶滿也。言其滿二千石。然則古三石唯今

一石耳。至陳。加品至第一。其後並因之而不改。自魏已來。尙書令品並第三。『事對』中臺。上省中臺見敘事十

洲記曰。崇禮門在東掖門內路西。卽尙書上省。崇禮門東建禮門內。卽尙書令下舍之門。天府。仙臺。荀綽晉百官表注曰。尙書爲

文昌天府。司馬彪續漢官志云。尙書省在神仙門內。王筠和劉尙書詩曰。客館勸秋光。仙臺起寒霧。天閣。禮闈。宋元嘉起居注曰。

尙書左丞袁瑒啓。領曹郎中荀萬秋。每設事緣私遊。肆其所之。豈可復參列士林。編名天閣。請免萬秋所居官。李充懷愁賦曰。在中秋之

遙夜兮。直崇禮之禁闌。天臺。畫省。傅玄答卞壺詩序曰。尙書左丞。彈八座以下。居萬事之會。斯乃皇朝之司直。天臺之管轄。蔡質

漢官典職曰。尙書奏事於明光殿。省中畫古烈士。重行畫讚。司會。文昌。周禮。天官司會之職。鄭玄注曰。會。大計也。司會主天下之

大計。計官之長。若今之尙書矣。文昌事已見天府注中。出納詔命。通掌圖書。漢官解詁曰。尙書出納詔命。齊衆喉舌。司馬彪續

漢書曰成帝建始四年罷中書官初置尚書員五人一人爲僕射分爲四曹通掌圖書祕記章奏各有曹任已上總載尚書都省八座

二獨續漢書曰光武帝分增三公曹爲二曹其一曹主歲終書課諸州郡事改常侍曹爲吏曹主選舉祠祀民曹主繕功作鹽池苑

園客曹主護駕羌胡朝賀二千石曹主辭訟中都官主水火盜賊與三公爲六曹并令僕二人謂之八座三獨見敘事專席迴車

應劭漢官曰尚書令奏官銅印墨綬司隸校尉御史中丞尚書令皆專席坐京師號曰三獨坐言其尊重魏文帝嘗幸至尚書門尚書令

陳矯跪問陛下欲何之帝曰欲案行文書耳矯曰此臣職分非陛下所宜臨也帝聽迴車而返漢官云尚書官出百官寮皆迴車避也

黑輅 絳服徐廣車服儀制曰尚書令輅車黑耳後戶齊職儀曰尚書令品第三秩千石絳朝服佩水蒼玉方峻博朗續漢

書曰陳蕃性方峻微爲尚書令晉中興書曰刁協遷尚書令詔曰尚書令協抗志高亮才鑒博朗朕甚嘉之在位肅舉朝憚張

璠漢記曰左雄爲尚書令限年四十九試經然後舉孝廉故雄爲令在位者各自肅晉中興書曰卞壺爲尚書令司徒王導稱疾不朝壺

奏導專任無敬事寢不行舉朝憚壺納言幘進賢冠荀綽晉百官表注曰尚書令銅印墨綬五時朝服納言幘又曰尚書令進

賢兩梁冠佩水蒼玉黑耳車彤管珥徐廣車服儀制曰尚書令輅車黑耳後戶應璩新詩曰彤管珥納言紹璠表武弁明習

故事識了舊典東觀漢記曰樊准字幼清爲尚書令明漢家故事能遠啓曰伏見吏部以太尉荀組爲尚書令領豫州組朝之

素望識了舊典不應處外〔文〕陳後主授江總尚書令冊文夫文昌政本司會花經章彪謂之樞機李固方之斗極況其

五曹斯綜百揆是諧同氣宰之司專臺閣之任惟爾道業傑峻字量弘深勝範清規風流以爲準的儒宗學府衣冠以爲領袖故能師長

六官具瞻允塞明府八座儀形載遠其端朝握撥朕所望焉往欽哉懋建爾徽猷亮采我邦國可不慎歟〔箴〕晉張華尚書令

箴明明先王開國承家作制垂憲仰觀列曜俯令百官政用罔愆昔舜納大麓七政以齊內成外平而風雨不迷山雷羣屬靡剛靡柔

補我衰職。闡我王猷。王猷允塞。而四海咸休。雖曰聖明。必賴良材。無曰我智。官不任能。發言如絲。其出成綸。王季道契。天網縱替。既無老成。改舊法制。法制不修。不長厥裔。尙臣司臺。敢言侍衛。〔啓〕 隋江總除尙書令。斷表後啓。司會化本。冢宰朝端。摺紳所屬。儀形攸在。皇世以來。無人則闕。陛下將備厥職。用穆臣僚。不容始自庸菲。以謹物議。當今藩翰至威。不無其人。廊廟重臣。亦有其器。伏願愼俞往之則。闡平章之道。公心布敷。有理存焉。

## 僕射第四

〔敘事〕僕射秦官。僕主也。古者重武。故官曹之長。主領其屬而習於射事也。漢書百官表曰。自侍中尙書博士郎軍屯吏馬宰永巷皆有僕射。隨所領之事以爲號。若尙書則名曰尙書僕射。漢因秦本置一人。至獻帝以執金吾營勛爲尙書左僕射。分置左右。蓋始於此。秦漢秩六百石。公爲之。增至二千石。至梁加秩中二千石。自魏以來。品第三。至陳加品第二。自魏晉以來。省置無恆。置二則左右僕射。或不兩置。曰尙書僕射。自東晉以來。祠部尙書多不置。以右僕射主之。若左右僕射並闕。則置尙書僕射。以掌主左事。置祠部尙書。以掌右事。然則尙書僕射與祠部尙書。不恆置矣。已上出齊職儀及五代史官志。唐龍朔二年改左右僕射曰左右匡政。咸亨初復舊。光宅初改爲左右相。神龍初復舊。開元初又改曰左右丞相。〔事對〕 蒼玉 皂櫪 晉百官表注曰。僕射一人。銅印墨綬。五時朝服。納言幘。進賢冠。佩水蒼玉。官品第三。俸月四十五石。東觀漢記曰。鮑永字君長。拜僕射。行將軍事。將兵安集河東。永好文德。雖行將軍。常皂櫪。路稱鮑尙書兵。排閣 曳履 鍾離意別傳曰。意爲尙書僕射。其年匈奴來降。詔賜縑三百疋。尙書侍郎暨鄼受詔。誤以三千疋賜匈奴。詔大怒。鞭鄼欲死。意獨排省閣入諫。明帝以合大義。恚損怒消。帝謂意曰。非鍾離

尙書幾誤降威於此郎。漢書曰：鄭崇字子游，爲尙書僕射，數求見諫爭，上初納用之。每見曳革屨，上笑曰：「我識鄭尙書履聲。」清恪

忠允先賢傳行狀曰：毛玠字孝先，爲尙書僕射，在官清恪。晉起居注曰：尙書高陽王珪，忠允善政，以珪爲右僕射。攝百揆。副端

右謝靈運晉書曰：古者重武事，貴射御，取其捷御如僕，各置一人。尙書六人，謂之八座。參攝百揆，出納王命。古元凱之任也。何法盛晉

中興書曰：顧和爲尙書僕射，以母老固辭，詔敕諭特聽，暮出朝還，其優遇如是。尋朝議以臨端右之副，不宜處於外，更加銀青光祿大夫，

協宣庶績。總統留事晉起居注曰：太康元年，詔云：尙書舊置左右僕射，所以恢演政典，協宣庶績。魏志曰：桓範薦徐宣爲僕射，

後加侍中、光祿大夫、車駕幸許昌，總統留事。帝還，主者奏呈文書，詔曰：「吾省與僕射何異？」竟不視。國之司直 官之師長 魏志

曰：毛玠字孝先，爲尙書僕射。時太子未定立，臨淄王植有寵。玠諫曰：「近袁紹以嫡庶不分，覆宗滅國，廢立大事，非所宜聞。」會玠起更衣，太

祖謂曰：「國之司直，我之周昌。」又曰：文帝時，欲以賈誼爲僕射，曰：「尙書僕射，官之師長，天下所望，詔名素不重，非所以服人。」五遷四辭

二龍雙驥 范曄後漢書曰：胡廣字伯始，五遷尙書僕射。王隱晉書曰：荀勗代陳泰爲僕射，領吏部，四辭而後受。張詮南燕書曰：慕容

容德以右僕射封嵩爲左僕射，尙書韓諱爲右僕射。時嵩諱並年三十，又以嵩弟融爲西中郎將，諱弟軌爲東中郎將，嵩等俱拜。帝臨軒

詔令四人同入，嵩等升殿方謝，帝顧曰：「躍二龍於長衢，騁雙驥於千里，朝野榮之。」〔詩〕 梁任彥昇出郡傳舍哭范僕射

詩 平生禮數絕，式瞻在國楨。一朝萬化盡，猶我故人情。待時屬興運，王佐俟人英。結歡三十載，生死一交情。攜手道衰孳，接景事休明。

運阻衡言革，時泰玉階平。潯冲得茂彥，夫子值狂生。伊人有涇渭，非余揚濁清。將乖不忍別，欲以遣離情。不忍一辰意，千齡萬恨生。已矣

平生事，詠歌盈篋笥。兼復相嘲謔，常與虛舟值。何時見范侯，還敘平生意。與子別幾辰，經塗不盈旬。弗覩朱顏改，徒想平生人。寧知安歌

日，非君撤瑟辰。已矣奈何歎，輟春哀國均。任希古和左僕射燕公春日端居述懷詩 豐野光三傑，鳩庭贊五臣。綈緇歌美

響絲竹詠芳塵。聖歷開環象。昌年降甫申。高門非捨築。華構豈垂綸。鳳邸薄霄翰。龍池躍海鱗。玉鼎昇黃閣。金章調紫宸。禮闈通政本。文昌總國均。調風振薄俗。清教正彝倫。星迴應經管。日御警寅賓。葉上曾槐變。花發小堂春。思挂東都冕。言訪北山巾。赫赫容臺上。千祀耀平津。趙彥昭奉和悼右僕射楊再思詩。兩揆光天秩。三朝奉帝熙。何言集大鳥。忽此喪元龜。坐歎公槐落。行聞宰樹悲。桴舟今已去。寧有濟川時。〔表〕陳徐陵讓左僕射表。臣聞七十之歲。揚雄擬經。六十之年。平津對策。若斯強壯。固無耆老。臣勵則曹華軒冕。才允卿相。出納流譽。朝野具瞻。臣弘正國老儒宗。情尚虛簡。玄風勝業。獨王當年。臣重器懷沉密。文史優裕。東南貴秀。朝廷親賢。並見壯猷。皆宜左執。若漢武好少。則微臣已老。若周文愛老。則有此群才。伏願天明。更謀梓匠。求其妙選。稱是能官。隋江總讓尙書僕射表。藻鏡官方。品裁人物。門驚如市。不厭屋漏。心抱如水。無欺暗室。但屢淹星鳥。每知忝素。世網拘束。事歸僊俛。今此召會。尤增據蒞。竊以端揆副職。官稱師長。革履升降。傳呼寵赫。儀刑朝首。冠冕彝倫。兼復參綜衡流。匡佐聖治。妄膺重責。必踐危機。

### 諸曹尙書第五

〔敘事〕諸曹尙書。秦官也。漢因之。並用士人。武帝改用宦者。成帝又改用士人。漢書云。武帝遊宴後庭。公卿不得入。故用宦者典尙書。置列曹尙書四員。通掌圖書章奏之事。各有其任。一曰常侍曹。二曰二千石曹。三曰民曹。四曰客曹。光武分爲六曹。分二千石曹爲二。改常侍曹爲吏部曹。并一令一僕射。謂之八座。魏有五曹與二僕射一令。謂之八座。魏有吏部。左民。客曹。五兵。度支。凡五曹尙書。晉有六曹。晉初置吏部。三公。客曹。駕部。屯田。度支。六尙書。太康中有吏部。殿中。五兵。田曹。度支。左民。六尙書。東晉有祠部。吏部。左民。度支。五兵。五尙書。宋有六曹。宋加東都官尙書。梁陳六曹。齊曹名同宋氏。後魏北齊六曹。後魏北齊有吏部。殿中。祠部。七兵。都官。度支。後周依周禮。置六官尙書之任。



隋氏六曹。隋有吏部、禮部、兵部、都官、度支、工部。開皇三年，改度支爲戶部，都官爲刑部，是也。唐六曹，初置民部，餘同隋氏。貞觀末

改民部爲度支，尋復改爲戶部。龍朔二年，改尚書爲太常伯、改吏部、禮部、戶部、兵部、刑部、工部爲司列、司禮、司元、司戎、司刑、司平。則天后又依周禮六官也。初宋齊梁陳四代，復有起部尚書，營宗廟則權置，畢則省。已上並漢官。齊職儀及五代史百官志。

〔事對〕再昇 周歷 謝承後漢書曰：魏朗字仲英，入爲尚書，再昇紫微，謗蔡省，不屈豪右，爲百寮所服，以黨事免。朗性矜嚴，

閉門整法，長吏希見，動有禮序。室家相待如賓。子孫如事嚴君焉。又曰：蔡邕字伯喈，以持書御史遷尚書，三月之間，周歷三臺，遷侍中。

委珠 賜劍 謝承後漢書曰：鍾離意字子阿，明帝徵爲尚書，交趾太守坐贓伏法，以資物簿入大司農，詔班賜群臣，意得珠璣，悉以

委地而不拜。帝怪問其故，對曰：臣聞孔子忍渴於盜泉之水，曾參迴車於勝母之鄉，惡其名也。贓穢之寶，不敢拜。帝笑曰：清乎尚書，賜錢

三十萬。東觀漢記曰：章帝賜尚書劍各一手，署姓名。韓稷楚龍泉，鄧燾蜀漢文，陳龍濟南鍛成，一室兩刃，其餘皆平劍。其時論者，以爲稷

淵深有謀，故得龍泉。燾明達有文章，故得文劍。龍敦朴有善於內，不見於外，故得鍛成劍。皆因名而表意。白衣 文劍 後漢書曰：鄭

均字仲虞，爲尚書，澹泊無欲，以病乞骸骨，終不肯起。章帝車駕幸均舍，敕賜尚書祿終其身。時人號曰白衣尚書。文劍已見上。歷三臺

任七年 歷三臺見周歷注。晉書：杜預爲度支尚書，在內七年，損益萬事，酬酢諮諏，不可勝紀。賜鍛成 封廣武華嶠 後漢書

曰：陳寵字昭公，以德行明敏，入爲尚書。寵性周密，常稱人臣之義，苦不畏愼，自在樞密，謝門人不復教。拒知友，時賜寵劍，得鍛成劍，以其

敦朴。晉書曰：張華爲度支尚書，決勝緣江，地近萬里，始羊祜謂所親曰：終吾事者，唯當華耳。卒如祜言。封廣武縣侯。酬酢諮諏 嘉

謀良圖 酬酢諮諏見任七年注。晉書云：山濤轉尚書，表辭才下年老，詔曰：方今多事，嘉謀良圖，委以老成也。朱穆正直 黃琬

方毅 謝承後漢書曰：朱穆爲尚書，謚言正直。續漢書曰：黃琬方毅廉貞，爲侍中尚書。〔詩〕 宋顏延年直東宮答鄭尚書

詩 皇居體宸極，設險祇天工。兩關阻通軌，對禁限清風。鼓子旅東館，徒歌屬南壩。寢興鬱無已，起觀辰漢中。流雲靄青闕，皓月鑒丹宮。幽闕清防密，徙倚恆漏窮。君子吐芳訊，感物側余衷。惜無邱園秀，景行彼高嵩。隋劉斌和許給事傷牛尚書詩名臣不世出，百工之所求，況乃非常器。遭逢興運秋，符彩照千里。銓衡綜九流，經綸資博物。樽俎寄皇猷，韶漢傾復理。典禮素還修，雖貞棟梁任。兼好藝文游，佇聞和鼎實。行當奉介邱，高衢翻稅駕。閱水遽遷舟，傳呼更何日。曳履聞無由，歸魂藐修路。征棹艤邪溝，林薄長風慘。江上寒雲愁，夜臺終不曙。遺芳徒自留，崔融戶部尚書挽歌詩八座圖書委，三臺章奏盈。舉杯常有勸，曳履忽無聲。市若荊州罷，池如薛縣平。空餘濟南劍，天子署高名。〔制〕唐中宗授李承嘉戶部尚書制門下紫極八座，非德勿居。丹屏六曹，惟賢是擇。金紫光祿大夫李承嘉，靈襟峻嶷，識宇嚴明。早聞通德之名，夙有大臣之望。雄材逐日，共騏驎而齊駟；迅翼搏風，與鵷鴻而並翥。栢臺憲府，高膺弄印之榮；芝甸神州，獨著題輿之任。堅同白玉，直若朱繩。臺閣風生，權豪氣懾。洪材可重，茂秩須崇。宜加曳履之班，式獎從橋之對。又授張錫工部尚書制 明光畫省，務總樞要。建禮仙門，職惟喉舌。尚書左丞張錫，白虹良寶，紫電雄鋒。家傳鵠印之祥，世襲貂冠之緒。文道吐鳳，思縹騰蛟。質映南金，材逾東箭。自提綱左轄，立帷中臺。奏郭奕而無慙，射崔洪而不愧。紫樞佇俊，彤管須賢。宜升賜劍之榮，式表委珠之潔。〔箴〕後漢繁欽尚書箴 龍作納言，帝命惟允。山甫翼周，實司喉吻。赫赫禁臺，萬邦所庭。無曰我平，而慢爾衡。無曰我審，而怠爾明。四岳阿緜，績用不成。虞登八凱，五教聿清。舉涉其私，乃忝服榮。正直是與，伊道之經。先人匪懈，永世流聲。君子下問，敢告侍廷。〔表〕梁蕭子範爲兄宗正讓都官尚書表納言之授，皇命所由。五星懸曜，差池紫宮之曲。百官根本，聯曹建禮之門。孔蔡該博，垂芳於兩京。陳鍾令才，比肩於魏代。逖望前英，俯循庸薄。義無尸素，理絕祗奉。

## 吏部尚書第六